

86198

2

6436

2:2

五
絲



中国国家图书馆
NATIONAL LIBRARY OF CHINA

衲蘇集卷下

集東坡先生詩句

過眼終迷日五色
覓句近窺詩一班
身行萬里半天下
劃如太華當我前
年拋造物甄陶外
名與淮水東南馳
高會日陪山簡醉
琢磨晚覺孟光賢

後學何忒手纂

入夜更歌金縷曲
喜君新奪錦標還
百謫終爲賢太守
明年定起故將軍
洛濱侍從三人貴
庭下黃花一醉同
瀉湯舊得茶三味
家書新報橘千頭



中国国家图书馆
NATIONAL LIBRARY OF CHINA

但覓來禽與青李
常撞大呂應黃鐘
落筆縱橫盤走汞
寒窗孤坐凍生瓶
前生恐是盧行者
伴直難呼孟浩然
棠棣竝爲天下士
邯鄲深得枕中仙
只有江山難入手
不知霜雪已蒙頭

先生不作金樵袖
乘興真爲玉局游
不論世外隱君子
聽取林間快活吟
珍重多情關令尹
作書貸粟監河侯
疾惡如風朱伯厚
平生倔强韓退之
佳本盡從方外得
平生自是箇中人

蜜脾已滿黃蜂靜
鴻漸偏宜丹鳳南
心知其非口諾唯
仕不願畱書繞纏
出門便旋風吹面
香霧空濛月滿庭
遙想人天會方丈
但驚草木回春容
問人乞米何曾得
吟詩寫字有底忙

玉殿齊班容小語
銀鈎秀句益疏通
舍旁壺漿不容乞
人間膏火正爭光
士廉豈識桃椎妙
老守時遭醉尉嗔
重來父老喜我在
此去文書恐獨賢
率然有請不我拒
神之報汝亦已豐



望窮海表天還遠
春到江南花自開
已覺侍史疲奔送
坐令雕俎生輝光
莫尋羣玉山頭路
歸採青泥坊庖芹
故人改觀爭來賀
火急開尊及尙閔
早晚淵明賦歸去
清真逸少手親裁

汗血固應生有種
奮迅不受人間羈
大宛立仗朱絲鞮
希鞞上壽白玉壺
耆舊如今幾人在
風流他日與君同
浪翁醉處今尙在
摩詰長閑古亦無
素纒分碧銀瓶凍
簾額低垂紫燕忙

詞客倦吟花似酒
北船不到米如珠
欲浮大白追餘賞
新爲楊枝作短行
仁智更煩訶妄見
仙凡自古亦殊途
窗下呶唔惟楚老
竹西歌吹是揚州
游仙夢覺月臨幌
過江風急浪如山

試問江東三語掾
何營人間萬戶侯
不獨江天解空濶
尙有詩賦鑱堅頑
暫還仗內身如寄
傾盡葵心日愈高
聞道鵷鸞滿臺閣
敢將駑馬竝英豪
枕上溪山猶可見
床頭牛蟻不曾聞



初冠惠文讀城旦
老人明光踏舊班
西省隣居時邂逅
東坡還往盡幽人
宦游到處身如寄
寵辱年來我亦平
至今風俗含古意
尙有江山慰不才
欲求南宗一勺水
惟有使君千里來

嗟我嗜書終日讀
此生別袖幾回麾
殿門明日逢王傅
卻掃何人伴敬通
趁著春衫游上苑
便擊雲水歸南溟
三館曝書防蠹毀
東臺瞑坐覺烏飛
尙愛此山看不足
自昔雖貧樂有餘

獨秀江南知有意
故人坐上見君文
付與騷人發嘲弄
故將詩律鬥深嚴
洛陽泉石今誰主
古木樓臺畫不成
水光瀲灩晴偏好
國老安榮心自閑
酒酣魯叟頻相憶
月與高人本有期

爲把一尊歌此曲
不遠千里從我游
不辭歌詩勸公飲
從此歸飛識所從
醉後劇談猶激烈
花前歸思自飛翻
論心無數今有幾
酒杯雖淺意殊深
試登絕頂望鄉國
直恐終身走道途



只有名花苦幽獨
定知芳草怨王孫
昨想玉堂空冷徹
故教鍊杖門清堅
爲君坐嘯主畫諾
代我問答多雄篇
若問我貧天所賦
勉書此詩席之端
覺來俯仰失千劫
我被聰明誤一生

往事過年如昨日
曉來頻嚏爲何人
此夜新聲聞北里
暫時假面弄西涼
不獨江天解空濶
無復杞菊嘲寒慳
無事不妨長好飲
逢山未免更流連
紅袖漫插曹綱手
畫圖但覺周昉肥

無多酌我君須聽
從此歸田策最良
眼中犀角眞吾子
頭上銀幡笑阿咸
赤腳長鬚俱好事
畫船鼉鼓莫違民
誰知愛酒龍山客
應羨還鄉馬少游
面頰照人原自赤
霜風捲地不知寒

出山回望雲木合
飄衣猶覺色塵高
古來眞遜何曾遜
可得長閑勝暫閑
久參白足知禪味
始信丹經非妄言
百年人事知幾變
二老長身屹兩峯
寒溪本自遠公社
蒼山半入雲濤堆



風流二老長來往
細書千紙襍真行
玉仙洪福花如海
護羌充國髯未斑
漱石先生難可意
梁園賦客肯言才
許邁有妻還學道
顏公食粥敢言炊
太乙老仙閑不出
造化小兒如子何

竹簟暑風招我老
玉堂制草落人間
邇來摩寫亦到我
剩作新詩準備君
昔我嘗爲徑山客
請君更問文殊師
我正含毫紫微閣
竟坐誤讀黃庭經
水洗禪心都眼淨
語出月脇令人驚

每思諫草留先澤
定把清觴屬此山
不知庾嶺三年別
分我江南數斛愁
寄語風流王武子
舊聞父老晉郎官
風自遠來聞笑語
雪知我出已全消
前世畫師今姓李
近日從戎擬學班

君家兄弟真連璧
楚客豪華可笑珠
犀首正緣無事飲
蟹螯何不左手持
人言摩詰是前世
畧遣彭宣到後堂
醉裏狂言醒可怕
主人有酒君獨辭
清詩已入新歌舞
科斗閑收古鼎鐘



非夷非惠真天隱
無災無難到公卿
森然可愛不可慢
願渠無過亦無功
侍郎賦詠窮三峽
腐儒麤糲支百年
松下縱橫餘屐齒
竹間璀璨出斜枝
生還各有青山興
覆頂偏宜紫府仙

玉釵半脫雲垂耳
鞞紅照坐香生膚
終閉玉關辭馬武
自酌金尊勸孟光
識君小異千人裏
爲我醉倒春風前
京兆從教思廣漢
蜀人不復談相如
詩豪正直安仁在
太史曾探禹穴新

戲著幼輿巖石裏
卻追范蠡五湖中
後生可畏吾衰矣
無媒自進誰識之
我欲西歸卜鄰舍
不如東野以詩鳴
從今更踏青州麴
回頭空指黃公壚
朔野按行猶雀躍
滿山風雨作龍吟

瓶盡欲沽囊已竭
林深無人鳥相呼
玉川風腋今何有
賀監荷花空自開
洛陽泉石今誰主
江西山水真吾邦
世所奔趨我獨棄
人笑迂疏老更堅
賴我胸中有佳處
時於醉裏得天全



羽衣鶴氅古仙伯
白沙翠竹石廬江
如今唯有談天口
得路方知異日心
參軍新婦賢相敵
天女維摩總解禪
老去尙貪彭澤米
甲子不數義熙年
鷺兒破鼓酥流盃
梨花淡白柳深青

回看世上無伯樂
強把先生擬季倫
或恐尙有風雲會
應緣曾見宰官身
鶴髮初生千萬壽
亭松應長子孫枝
并有丹砂水常赤
心無天游室不空
隣里亦知偏愛竹
思歸時復賦登樓

腳扣兩舩歌小海
腰鼓百面如春雷
游仙夢覺月臨幌
江南春盡水如天
他日試尋王粲宅
少年獨識晁新城
木魚呼客振林莽
金鴨噓空裊細煙
彼徒辛苦吾差樂
腹有詩書氣自華

會當洗眼看騰躍
未妨便腹貯詩書
自稱丹竈鎔銖火
坐聽荒城長短更
莫笑官居如傳舍
盡攜書畫到天涯
老去怕看新曆日
平生漫說古戰場
扶衰賴有王母杖
平安時報故人書



祇恐尊前無此客
不知門外有塵寰
萬里隨身惟兩膝
八年看我走三州
誦詩得非子夏學
迎笑喜作巴人談
才疎正類孔文舉
使君疑是鄭康成
王孫辦作元真子
恨君不識顏平原

骨清肉膩和且正
縈流作態清而丰
猶作江南未歸客
仍呼我輩不羈人
彼徒辛苦吾差樂
我不忍去君忘還
便思絕粒真無策
肯伴臞仙亦號儒
深衣偃僂如初命
落筆璀璨傳新詩

詩人借車無可載
使君置酒莫相違
細瓊廣廈讀文史
推門入室書縱橫
但令文字還照世
只有詩人巧耐寒
戲中戟枝何足數
偶題詩句不須編
自厭山深出無計
豈知夫子駕復迂

時人盡恠蘇司業
暮年更似杜陵翁
看草中和樂職頌
稍覺承平氣象還
鄴侯藏書手不觸
孝先經笥諱兼忘
知君對花三嘆息
親舊音書半寂寥
清霜未落黃花在
山雨忽來修竹鳴



簡書見迫身今老
冷淡爲歡意自長
萬斛閑愁何日盡
半瓶濁酒待君溫
代北諸生漸狂簡
堂東多士作儒林
遙想閉門投轄飲
難邀入社爲詩頻
請君置酒吾當賀
教子通經古所賢

黃門寡好心易足
歷下懷仁首重回
趙叟近聞還印綬
虞卿應未厭窮愁
爲把一尊歌此曲
坐陳三策本人謀
崎嶇好事人應笑
江湖粗了我竟歸
功名如幻終何得
寵辱年來我亦平

似聞出守風流似
無數新詩唾咳成
詩人借車無可載
蒼顏得酒尙能韶
上方行賜尙書寫
二寸纜容子夏冠
老去怕看新歷日
書來粗遣故人知
扁舟去後花絮亂
溪女笑時銀櫓低

君家自有元和腳
與世羞爲西子顰
京兆從教思廣漢
蓋公應自過曹參
吳生畫佛本神授
孟光舉案與眉齊
對牀欲作連夜雨
萬竅猶號未濟風
代北諸生漸狂簡
關西人物數清英



西省隣居時邂逅
掖垣老吏識郎君
康濟此身殊有道
急流勇退更無人
中散談仙更清遠
道人有句借宣揚
老去上書還北闕
君家文律冠西京
城裏誰家開壽域
臺上有客吟秋風

謫仙此語誰解道
老守狂詞未必工
萬里生還真可喜
數詩狂語不須刪
乘興不辭千里遠
西風已作十分涼
無絃且寄陶令意
題詩誰似皎公清
伏波談兵初嬰鑠
愁魔得酒暫奔忙

得意尙堪誇世俗
此身無計老漁樵
十年京國厭肥羜
萬人沙苑看孤飛
笑履鋒鋌如一錘
會將老健敵千鍾
自笑塵勞餘一念
庶幾門戶有八慈
舊因葺菜求長假
特與荔子爲先驅

九子羨君門戶壯
一尊時對畫圖門
兩軍鼓噪屋瓦墜
一溪雷轉松陰涼
十分澗灑金尊凸
兩本新圖寶墨香
狂似次公應未恠
詩如東野不言寒
令下風雷常有信
事如春夢了無痕



丹鼎奪胎那是寶
玉堂孤坐不勝清
自笑方求三歲艾
今君坐致五侯鯖
徧界難藏真薄相
相逢有味是偷閑
誰知澤畔行吟者
若鬥尊前舉世稀
路人但覺驄馬瘦
歲晚忽作龍蛇升

山芎麥麩都不用
芋魁豆飯吾豈無
左抽右取談笑足
器潔泉新表裏清
不恨居隣無二仲
自甘茅屋老三間
忽然眉上有黃氣
不願腰間纏錦綵
苦恨相思不相見
願渠無過亦無功

還從舊社得心印
笑倚清流數鬢絲
別後新詩巧摹寫
悠然獨酌臥清虛
自言久客忘鄉井
豈不懷歸畏友朋
恨無負郭田二頃
猶記憂時策萬言
恍然一夢瑤臺客
未是西歸玉局翁

數畝荒園自鋤理
一甌花乳浮輕圓
試著芑鞋穿犂确
誰分銀榼送清醕
一杯未盡銀闕湧
兩本新圖寶墨香
褰衣步月踏花影
好竹連山覺笋香
不獨清心能省事
故將妙語寄多情



沽酒獨教陶令醉
清詩還有士龍能
二頃良田不難買
一庵閒地且相留
到後與君開北戶
燈前對坐說東坡
千株玉槩攬雲立
一扇清風灑面寒
譽兒雖是兩翁癖
積德長爲萬歲山

海水豈容鯨飲盡
謀壇猶記燕來時
要知西掖承平事
試問清都侍從臣
未與造物游數外
卻笑羣胥是夢間
君家聯翩三將相
歲星行看兩周天
餘事後來當潤色
使君留意在斯民

璇機已正三階泰
壬人不用五兵閒
消遣百年須底物
撥棄萬事勿復談
日暮無人鷗鳥散
桃花流水鱖魚肥
兩篇玉蕊塵初滌
一室清風冷欲冰
春色豈關吾輩事
槐花還似昔年忙

新年已賜黃封酒
從臣誰和白雲篇
誰凭闌干賞風月
歸來文字帶芳鮮
少負清名晚方用
子猶淪落况其餘
事業已歸前輩錄
典型獨守老成餘
三仕何曾知愠喜
一歡那復問親疎



交情自古春雲薄
歸意已逐征鴻翔
何人貪佩黃金印
未用深藏白氎巾
石路縈回九龍脊
平地咫尺千褰斜
誰知野客青筇杖
誤入仙人碧玉壺
罷官元亮貧無酒
疾世王符解著書

此夜新聲聞北里
聊同笑語說東坡
口業不停詩有債
神仙可學道之餘
天香國艷肯相顧
鞵紅魏紫不須看
展禽雖未三見黜
家山何在兩忘歸
桃花流水在人世
風月笙簫坐夜閑

願君卻似高常待
恨我不識元魯山
彭澤漫知琴上趣
賀監偏工水底眠
共把鷺兒一尊酒
羨君懷中雙橘紅
只言天下無健者
已向閑中作地仙
笑指蜜蜂作檀越
未省老兔生於菟

此方自是神仙宅
滿座疑聞錦繡香
門外想無千斛米
囊中未有一錢看
老兔自謂月中物
蜜蜂大勝監河侯
夢繞雲山心似鹿
光搖銀海眩生花
錦囊玉軸來無趾
絳闕雲臺總有名



補遺集
臺前日暖君須愛
江上風高我欲行
起舞三人漫相屬
公廚十日不生烟
尙有讀書清淨業
我是識字耜田夫
迂疏自笑成何事
父老相攜迎此翁
翠帷暮捲佳人出
荷花夜開風露香

扁舟渡江適吳越
北牕高臥等羲炎
敢問堂中誰隱几
不知門外有塵寰
此地他年頌遺愛
先生舊德在民心
君如大江日千里
我媿真長也一班
遙知魯國真男子
正似商山四老人

雙貌蟠礎龍纏棟
荷葉當門水浸階
使君年老尙兒戲
茲游奇絕冠平生
十年不入紛華域
一尊時對畫圖開
我本無家更安往
子猶淪落况其餘
乞取千篇看俊逸
與君一生常拍浮

超然已了一大事
信矣才難十亂臣
芳意十分強半在
清景一失後難摹
青山有約常當戶
白酒無聲滑瀉油
天寒正好深藏手
塵埃我亦失收身
逐客不妨員外置
夜潮留向月中看



餘事後來當潤色
先生舊德在民心
已向詞臣得頗牧
更教舞袖掣伊涼
壯心無復春流起
世味於今臘酒濃
本不避人那避世
只應閑客此閑看
汝南相從三晦朔
時來聊復一飛鳴

我老得全猶社櫟
著書不暇窺園葵
凌煙功臣長九尺
清獻先生無一錢
誰謂他鄉各異縣
請君見月時登樓
歸耕不用一錢物
白髮相望兩故人
清詩已入新歌舞
絕品難逢舊畫圖

魏王大瓠何人識
勾漏丹砂已付君
崎嶇好事人應笑
寂寞山樓老漸便
熱酒澆腸氣先壓
拄杖落手心茫然
相逢握手一大笑
故人風物兩依然
欲把西湖比西子
更邀明月說明年

老去怕看新曆日
今年果起故將軍
瓦鈎卻勝黃金注
羽扇斜揮白葛巾
此叟神完中有恃
草書妙絕吾所見
露重珠纓蒙翠蓋
朝來白浪打蒼崖
崎嶇世路嘗應徧
窈窕華堂手自開



雨餘北固山圍坐
客向東風競倚闌
迂疏似我人誰顧
坐嘯因君又得名
卻笑清貧饒太守
來看嗜酒謫仙人
遣子窮愁天有意
一生喙硬眼無人
夢中舊事時一笑
醉裏題詩字半斜

詩語孤高常近謗
酒餘歡適似還鄉
門前人鬧馬嘶急
花下胡盧鳥勸提
一官倉庾真堪老
三月鶯花已付公
粲然一笑玉齒頰
時低九尺蒼鬚髯
宦游到處身如寄
學道無成髻已華

只恐掉頭難久住
從今閉口不論文
獨抱添丁看花發
肯來杯酒作兒嬉
古琴彈罷風吹座
桺絮飛時花滿城
先向寒梅一傾倒
會看銅狄兩咨嗟
都人踏破鏡門限
詔書行捧縷金牋

併應未罄壘先恥
鵠則易畫虎難摹
願把窮愁博長健
早知富貴有危機
古來重九皆如此
明年六十奈君何
作詩頗似六一語
筆勢挽回三百年
此身自幻孰非夢
本來誰礙更求通



未能便乞勾漏令
不妨仍帶醉鄉侯
夢裏花仙覓奇句
山中木客解吟詩
溪山勝畫徒能說
富貴在天那得忙
古來畫師非俗士
醉時真境發天藏
飲泉鑿面得真意
隔牆拊掌容歌呼

一片丹心天日下
兩郡風流水石間
頭雖常低氣不屈
骨可朽爛心難窮
吏民莫作官長看
典型獨守老成餘
待向蛟龍乞雲雨
欲與猿鳥爭啾喧
青山有約常當戶
白雨跳珠亂入船

江上青山如削鐵
水中明月臥浮圖
清詩已入新歌舞
故鄉無此好湖山
故國依然喬木在
扁舟獨與漁蓑閑
嘉謨定國垂青史
珥筆西歸近紫宸
永夜出游從萬騎
亂山遮曉擁千層

萬戶春風爲子壽
半篙流水送君行
江山清空我塵土
將軍競病自詩鳴
隻雞敢忘橋公語
老鶴來乘刺史轎
讀徧牙籤三萬軸
更看銀山十二回
昔號剛強今亦頗
我欲醉眠君且休



安得青絲絡駿馬
已釀白酒買豚羔
一行作吏人不識
王事靡盬君甚劬
百年人事知幾變
千里詩盟忽重尋
莫笑官居如傳舍
已將世界等微塵
彭澤漫知琴上趣
焦坑閑試雨前茶

太守問花花有語
新月照水水欲冰
此身自斷天休問
相對無言老更恭
春還宮柳腰支活
山下寒蔬匕箸香
今年還看去年月
寒時便具熱時風
煩君巧說腹中事
何時歸耕江上田

江夏無雙應未去
參寥六一豈念吾
長松吟風晚雨細
秋芳壓帽露華滋
姹姬隔花聞好語
招呼明月到芳尊
水清石出魚可數
人去山空鶴不歸
綠珠吹笛何時見
青鳥銜巾久欲飛

魯公賓客皆詩酒
禦寇車輿謝轡銜
亂山滴翠衣裘重
古殿朝眞屨袖香
落筆縱橫飛小鳳
翦彩繽紛舞慶霄
餘杭自是山水窟
洛邑從來天地中
衰髮祇今無可白
蒼顏得酒尙能韶



宦遊莫作無家客
浪跡常如不繫舟
規模簡古人爭看
豪氣嶒嶸老不除
正如春風弄羣卉
且邀明月伴孤斟
酒酣上馬去不告
香螺脫壓來相羣
睂如長松眼如漆
秋後風光雨後山

十年京國厭肥羜
七尺頑軀走世塵
僧侶且陪香火社
高情猶愛水雲鄉
清詩咀嚼那得飽
任性逍遙不學禪
位聞東府開賓閣
憑仗西方作主人
白髮蒼顏畧相似
鶴骨龍筋尚宛然

東庵半掩西庵閉
未飯鐘時已飯茶
今年玉粒賤如土
笑我花時甌有塵
將辭鄴下劉公幹
獨憶平生盛孝章
一尊往助齊睂餉
二頃須謀負郭田
寂歷斜陽挂疏木
伶俜寒蝶抱秋花

可憐吹帽狂司馬
猶是浮江老阿童
老人無計酬清麗
尊酒相從樂厲公
騷人未要逃競病
故鄉不敢居溫柔
知君好事家有酒
猶思對案筆生風
平生所樂在吳會
出處依稀似樂天



名醫自要經三折
射鼠何勞挽六鈞
世人其抑真疎矣
造物雖駛如吾何
爲問從軍真樂不
獨與長鋏歸來乎
幅巾不擬入城市
喬木於今似畫圖
荔子已丹吾髮白
將軍恩重此身輕

相識雖多少知己
山川信美非吾廬
論文作賦俱不敵
飲酒食肉自得仙
豈如髯卿晚乃貴
頎然鶴骨清而修
坐覺風雷生警欬
老來日月似車輪
舊病難逢醫口藥
醉倒惟有支頭博

材大古來難適用
功成惟欲善持盈
采藥會須逢薊子
捲簾那復似揚州
欲求維摩一轉語
來作錢塘十日游
縫衣付與漂陽尉
弦誦曾叨孟母隣
欲窮風月三千界
歸掃岷峨一畝宮

但遣麻姑更爬背
坐無桓伊能撫箏
愛君東閣能延客
別後西湖付與誰
子河駿馬方爭出
上苑天桃自作行
有子才如不羈馬
無心更秣天山禾
南郭清游繼顏謝
奉常端冕作咸韶



給札看君賦雲夢
倦游憐我憶黃封
元亮本無適俗韻
微官敢有濟時心
鑿齒彌天兩勁敵
蘇李廣平三舍人
此身已覺都無事
杜口於今不復言
高會日陪山簡醉
才名誰似廣文寒

頗願身為漢嘉守
不知世有段文昌
漢家將軍一丈佛
峨眉山月半輪秋
五畝自栽池上竹
四方同此水中天
獨步倘逢勾漏令
一庵閒臥洞霄宮
千偈瀾翻無一語
三年磨我費百書

墜巢乳鵲拳新竹
催粥華鯨吼夜闌
寒牕冷硯冰生水
開門看雨月滿湖
清談美景雙奇絕
酒客法士兩小兒
青山上下猿鳥樂
處士風流水石間
典型尚記先君子
今世有此古丈夫

羨君兩眼明如鏡
忽然一鳴驚倒人
但恐風霜侵髮齒
坐受塵土堆胷腸
知君欲寫長相憶
今歲仍逢大有年
一朝得見暴公子
先聲已振越溪山
君知六鑿皆為癢
我生百事常隨緣



中国国家图书馆
NATIONAL LIBRARY OF CHINA

眾賓起舞舞風竹亂
秋芳壓帽露華滋
客夢還家時一頃
此身將老蠶三眠
青雲豈易量他日
白首還同入禁門
欲留衣冠挂神武
能使江山似永嘉
丹砂久窖井水赤
醉石可助平泉醒

楚雨還昏雲夢澤
秦人今在武陵溪
綠蟻沾唇無百斛
荒雞號月未三更
回首鵷行有人傑
來依鵬背負青天
徑渡洞庭探禹穴
遂超羲皇傲几蘧
連環已解如神手
默坐養此昏花睛

不如王江長飲酒
坐看滄海起揚塵
白鶴不留歸後語
夜燈勤禮塔中仙
黃雞白酒雲山約
秃襟小袖鷓鴣盤
泥深厭聽雞頭鶻
天廐新頒玉鼻騂
未能便乞勾漏令
自言已見穆生機

詩翁愛酒常如渴
火急開尊及尙閑
作詩雖未造藩閫
著書不暇窺園葵
翰林職在明光裏
縹緲新居紫翠間
高人自與山有素
直下都無地可臨
獨立千載誰與友
不識五郎呼作卿



一軒高爲黃花設
萬人爭看謫仙來
丹砂久窖井水赤
碧筒忽作象鼻彎
青邛已吞雲夢芥
泮宮初採魯侯芹
青浮卵椀槐芽餅
風動牙籤亂葉聲
惟有長身古君子
要作平地家居仙

龍眠不是丹青手
山色豈非清淨身
飽食應慙腹如鼓
勝游無礙腳殊輕
歸作二浙湖山主
春在先生杖履中
江湖咫尺吾將老
汝穎東流子卻西
賣劍買牛真欲老
登樓上馬不用扶

問人乞米何曾得
苦說歸田似不情
傍市穿林瀉冰玉
搗香篩辣入瓶盆
世人聞此皆大笑
多言自古爲數窮
平生好詩仍好畫
憶昔汝翁如汝長
花如識面香仍在
我欲歸休瑟漸希

誰能道我腹中事
何不於君指上聽
山下曾逢化松石
竹間行復采茶時
手植數松今偃蓋
寺藏修竹不知門
此生的有尋山分
他日如何舉似人
平生只寫龍鳳質
癡人但數羊羔兒



若見謫仙煩寄語
忽逢騎吏有嘉招
楚舞吳歌亂鶯鳴
金盤玉指破芳辛
逢人欲覓安心法
許我時逃醉後禪
我得君硯亦安用
老傍人門想更慵
未成小隱聊中隱
遮莫千山與萬山

賣書來問東家住
無人知道北牕涼
待我西湖借君去
不如東野以詩鳴
吏曹不是尊賢事
老罷方尋隱退廬
便思絕粒真無策
只擬關門不問天
留我同行木上坐
云何解轉空中雷

久知世界一泡影
醉看參月半橫斜
未欲連車收薏苡
爲君援筆賦梅花
歸來趁別陶宏景
欸段還逢馬少游
永夜出游從萬騎
中流歌嘯倚半酣
生成變壞一彈指
故人新曲九迴腸

聞道鸚鵡鸞滿臺閣
要使珠璧栖牕櫺
鏡空一照雙龍影
老病行穿萬馬羣
入夜更歌金縷曲
醉歸爭看玉鞭長
昨夜清風眠北牖
夢回疎影在東牕
爛煮葵根斟桂醕
笑唾熊掌噉雕胡



狂吟跌宕無風雅
東南山水相招呼
窮探愈好去愈銳
橫看成嶺側成峯
空有千篇凌鮑謝
微聞偶語說蘇程
四朝遺老凋零盡
萬里歸來卜築初
興來且作尋安道
夜闌更請彈文王

海爲瀾翻松爲舞
花有清香月有陰
能使龍池飛霹靂
倒傾蛟室瀉瓊瑰
端如太史牛馬走
自有長城烏鼠西
詩眼亦自工識拔
壽骨遙知是弟兄
老非懷土情相得
從此歸田策最良

玉帳夜談霜月苦
金谷敲冰草木春
獨立千載誰與友
作詩一笑君應聞
勝游自古兼支許
俗緣未盡餘伊臬
新詩兩幅寄千里
揮斥八極隘九州
蒲腹雷霆暗不吐
將軍旂鼓捷如神

我今飄泊等鴻雁
安知聚散同魚蠃
但遣詩人歌杕杜
更於何處覓蓬萊
侍郎賦詠窮三峽
賓主談鋒敵兩都
東流白日西流水
蜀人文賦楚人詞
長笑右軍稱草聖
要知摩詰是文殊



身行萬里半天下
眼高四海空無人
倦客再游行老矣
去年看花真盛哉
承平百年烽燧冷
紅日半牕春睡酣
爲問梨棗何時熟
長共松杉守歲寒
丈夫自重貴難售
國恩未報敢不勤

夢中舊事時一笑
醉後狂言膽滿軀
飛狐上黨天下脊
旃檀婆律海外芬
祇有陰功不知數
應須極貴又長生
似聞指揮築上郡
我亦旗鼓嚴中軍
祇應閒過商顏老
爲君更喚木腸兒

道人自嫌三世將
古來誰似兩疏賢
覺來俯仰失千劫
臥治雍容已百年
顧我迂愚分竹使
豈知平日賦蘭臺
相從杯酒形骸外
不是膏油面首新
萸萸滿地蘆芽短
柳絮飛時笋籜班

詩酒淋漓出狂恠
笑談警效生風雷
大木百圍生遠籟
太行千里送征鞍
惟有殘梅一枝亞
更待江南半月春
何時翠竹江村路
此有蠟梅禪老家
握手安知無賀監
染鬚那復唱陽關



顧我風琴不成弄
豈知盃脫本無模
竹簟涼風眠晝永
裙腰芳草抱山斜
還將天竺一峯去
畫作圍牀六曲山
寒燈相對記疇昔
仄席求人少似今
人間俯仰成今古
頭上歲月空崢嶸

金井轆轤鳴曉壑
凝香方丈眠瓊瑜
若對此君仍大嚼
我相夫子非癯仙
口頰瀾翻如布穀
滿堂坐客皆胡盧
平生謬作安昌客
何人先人明光宮
未信犀首終無事
擬向蜂窩寄此生

獨攜天上小團月
富擬人間萬石君
沽酒獨教陶令醉
落筆已喚周越奴
知君清俸難多輟
感子佳意能無酬
窺船野鶴何曾下
通印長魚誰肯分
惟有陽關一杯酒
相逢卯色五湖天

白髮未成歸隱計
緇衣誰作好賢詩
書空漸覺新詩健
壯觀應須好句誇
雲雨從來翻覆手
山色豈非清淨身
絳宮樓闕百千仞
竹外桃花三兩枝
林下對牀聽夜雨
尊前侑酒只新詩



補遺集
坐閱諸公半廊廟
會看銅狄兩咨嗟
誤聞九奏聊飛舞
笑領百罰空疊尊
敲冰煮鹿最可樂
登樓上馬不用扶
知君善頌如張老
頗覺寬容勝弱翁
已傾潘子錯著水
始見徐卿第二雛

用違其才志不展
日飲無何計亦良
夢中舊事時一笑
醉裏微言卻近真
出入巖巒千仞表
老幼化服一事無
枕上溪山猶可見
世間言語原非真
何如駑馬肥苜蓿
空令饑鶴啄莓苔

扁舟一櫂歸何處
秉燭三更對此花
網蟲不見乘鸞子
換扇惟逢春夢婆
平生狎侮諸公子
奇逸多聞老敬通
塞上縱歸他日馬
門前欲嘶御史驄
佐卿本是歸來鶴
城東不鬥少年雞

不是溪山成獨往
欲將詩句絆餘暉
還朝暫接鸚鵡翼
送君應典鸛鷄裘
口頰瀾翻如布穀
班心突兀見長身
酒酣復拜千金賜
杖端閑挂百錢游
玉牀丹鏃記分我
蒼顏白髮便生光



聰明不在塵根裏
能事方推德業餘
繡裳畫袞雲垂地
漆書科斗光射天
夙駕人嚮常正色
時因議事得聯名
寫真素壁千蛟舞
揮塵空山亂石聽
詩書好在家四壁
今古何殊貉一邱

窗前但見蠅鑽紙
夢覺真同鹿覆蕉
花枝不共秋欹帽
下客先判醉墜簪
獨鶴有聲知半夜
蒼筤無香散六花
兩邦旌纛光相照
一麾江海意方堅
猶是西湖舊風月
不如公子散神仙

酒如人面天然白
花待君來未敢飄
天下幾人學杜甫
臺上有客吟秋風
歸來且看一宿覺
道人輕打五更鐘
舊政猶傳蜀父老
中原無復漢文章
還須略報老同叔
曷不走投陳孟公

故人年少真瑤樹
睂宇秀發如春鬢
故應好語如爬癢
我有一言能決疣
天邊鴻鵠不易得
人間駑驥漫爭馳
大江東流日千里
壯士悲歌淚萬行
卻似西川杜工部
誰識東萊太史慈



留我同行木上座
天教看盡浙西山
縱飲座中遺白恰
欵枕床前有月明
擬將徑寸同千尺
應會羣賢及四隣
朝回兩袖天香滿
風動牙籤亂葉聲
一川秀色明花柳
千尺長松挂薜蘿

應費明河千斛水
灑作餽餉大地涼
蓬髯扶疏吾老矣
海山葱蘢氣佳哉
我懷汝陰六一老
試聽徽外兩三弦
白水滿時雙鷺下
碧峯千點數鷗輕
寂寞陶潛方止酒
風流太守爲開亭

有才不用今老矣
此計當時已浩然
後生可畏吾衰矣
無酒令人意缺然
好事東平貴公子
風流稷下古諸姜
遙知瑞草橋邊夜
獨對芙蓉城裏人
咫尺仙都隔塵世
閨庭蘭玉照鄉閭

左抽右取談笑足
貧賤安閑意味長
白水滿時雙鷺下
兩江合處朱樓開
三山咫尺不歸去
一部鼓吹從何來
江上幽居連福地
尊前侑酒只新詩
孤雲落日西南望
盧橘楊梅次第新



稻熟魚肥信清美
隙塵風葉任縱橫
畫手懸知是徒隸
剗心先擬射聲名
解組歸來成二老
狂歌對飲只三人
讀徧牙籤三萬軸
占得膠西一半山
但遣詩人歌杖杜
借君妙意寫篋管

雪堂亦有思歸曲
雲璈常聽步虛聲
欲求南宗一勺水
暫借僧窗半日閒
蛾翠斂時聞燕語
雲峯缺處湧冰輪
用違其才志不展
我笑謂翁兒更賢
紺瞳綠髮方謝事
烏髮白髮不論錢

詩人猛士襍龍虎
月斧雲斤琢肺肝
寒梅似與春相避
截鏡須防舊所臨
一篇向人寫肝膽
白頭容我占清閑
欲采蟠桃歸獻壽
故遣啄木先敲門
在郡依前六百日
此墨足支三十年

不辭歌詩勸公飲
聊爾作戲悅我神
我性不飲只解醉
吾儕猶健可頻傾
春風屈指無多日
佳句相呼賴故人
杖策頻過知未厭
青山許我定相從
鬢須白盡成何事
尺一東來喚我歸



東方健兒虓虎樣
二八佳人細馬馱
風流吾子真前輩
辜負名花已一年
更遣夢得出奇句
要令安世誦亡書
千重故紙鎖未透
一室清風冷欲冰
趙子吟詩如潑水
東都寄食似浮雲

昨夜清風眠北牖
明年春水漲西湖
可憐狡獪維摩老
莫作羞澀羊氏姝
花下有人心斷絕
月明歸路影婆娑
遠行無物可相贈
我老不飲當付君
春機滿織回文錦
畫戟空凝燕寢香

長與春風約今日
閒喚香雲在那邊
先生未出禁酒國
郎君可是筦庫人
羨君清瘦真仙骨
使我菀結而萃顛
只有無何真我里
不知辛苦爲誰甜
閣東九師新得妙
磊落萬卷今生塵

尊主庇民君有道
學仙度世豈無人
大隱何曾棄簪組
歸人猶自念庭幃
口業不停詩有債
溪山愈好意無厭
未成報國慚書劍
直恐終身走道塗
田園已有兒孫委
卻掃都忘歲月深



富貴一朝名不朽
漂流百戰偶然存
至今遺像兀不語
亦若其詩清且敦
太守親從千騎禱
雨餘初有一蟬吟
五言七言正兒戲
忘世忘身恐地仙
結襪猶堪一再鼓
精兵共領五千都

幽人自種千頭橘
病腹難堪七椀茶
每思諫草留先澤
笑指燈花說老坡
草聖欲成狂便發
辭官不出意誰知
不解丹青追世好
強扶衰白拜君嘉
上有行人高縹渺
月明歸路影婆娑

誦詩得非子夏學
落筆已喚周越奴
已向詞臣得頗牧
從今烏可是詩奴
綠水翻動蒲桃酒
紫簫來問玉華君
出簷叢枳十圍大
半篙清漲百灘空
雪乳乍翻煎處腳
焦坑閑試雨前茶

起舞三人漫相屬
撥棄萬事勿復談
江雲有態清自媚
春風入髓散無聲
玉腕半揜雲碧袖
詔書行捧縷金牋
待得百花成蜜後
他年一葉沂江來
平生學道真實意
來往君家伯仲間



真珠爲漿玉爲醴
簞紋如水帳如煙
水光潑灑晴偏好
國豔天嬌酒半酣
劍在床頭杯在手
雪中履迹鏡中真
近者固宜安脫粟
此子何勞爲買田
朝回兩袖天香滿
雨洗東坡月色清

風自遠來聞笑語
玉如織手嗅梅花
傭奴販婦皆冰玉
白波青嶂非人間
蒼藤翠壁疑無路
老樹荒厓如有情
點綴裙腰紛不埽
摩挲金狄會當同
多情好與風流伴
他日來參雪竇禪

愛此三篇如酒美
欲與六出爭天葩
盡是猩唇與熊白
君家玉臂貫銅青
舉頭看山笏拄頰
吏散庭空雀噪簷
紗籠擎燭迎門入
掃地焚香閉閣眠
枕書熟睡呼不起
閉戶端居念獨深

我田方寸耕不盡
自昔雖貧樂有餘
通印子魚猶帶骨
閉門高節欲生鱗
詩成畫燭飄金燼
夜撥寒灰聽雨聲
邇來又見三黜柳
知君心是後凋松
洗妝自趁霜鐘早
擁髻遙憐夜語清



石女無兒焦穀槁
甘露微濁醜醜清
羨君五字入詩律
古來百巧出窮人
萬里隨身惟兩膝
百首新詩間八珍
瓶盡欲沽囊已竭
沿流不惡泝亦佳
色瘁形枯應笑屈
天教日飲欲全絲

有客冒雪來自北
應記儂家舊姓西
紅綫勒帛光繞脅
短衫壓手氣橫秋
眼中犀角真吾子
頰上三毛信有神
珍重多情關令尹
贈君無語竹夫人
元亮本無適俗韻
參寥不是老婆禪

天籟遠兼流水韻
壯心降盡倒風旌
醉裏狂言醒可怕
字外出力中藏稜
不羨紫駝分御食
坐令朱雀長金花
一見何止得雙璧
外慕漸少由中充
蚤歲聞名晚相得
茲游淡薄歡有餘

長廊靜院燈如月
清溪繞屋花連天
黃州小郡夾溪谷
絳帳清風聳縉紳
聞道名城得真將
能令孝子作忠臣
微風萬頃韡文細
紅日半牕春睡酣
少負清名晚方用
眼看時事力難勝



陶潛自作五柳傳
晏嬰不滿六尺長
此生的有尋山分
到處先爲問道庵
清齋十日不然鼎
負米萬里緣其親
君方勸我杯中物
天教看盡浙西山
朱弦初識孤桐韻
碧筒忽作象鼻彎

遠別不知官爵好
歸意已逐征鴻翔
老手生風謝刀筆
細筋入骨如秋鷹
黃河復繚天門帶
蒼山半入雲濤堆
時有世人來舐鼎
願供薪水看燒丹
我與世疏宜獨往
至今人道最能文

更續茶經校奇品
獨依蘚石立多時
海山知有東南角
明月誰分上下池
聞道鸕鷀滿臺閣
何如獼猴騎士牛
人間真一東坡老
千古風流賀季真
坎珂一生遭口語
羅列八子參羣仙

正始風流起頽俗
蓬瀛宮闕隔埃氛
東海桑田真旦暮
北山猿鶴漫移文
此意要爲知者道
虛名何用實之賓
吟雪要看驚太傅
問禪何處識龐翁
辟兵已佩靈符小
縱步不知湖嶺深



近聞猛士收丹穴
搥破銅山鑄虎符
有似霜松嘯春鳥
忽驚雲海戲羣鴻
汝輩何曾堪一笑
平生未省爲人忙
杜門謝客恐生謗
揮毫落紙勿言疲
歸作二浙湖山主
拜賜宮壺雨露香

君於此藝亦云至
我其後身蓋無疑
置之行矣何足道
決須飲此勿復辭
新曲從翻玉連瑣
狂言驚倒石榴裙
蓬山路遠人難到
方丈門開恠不迎
好意莫違黃髮叟
秋來欲見紫髯翁

十年讀易費膏火
兩首新詩爭劍鋏
萬騎如風不能及
一螺點漆便有餘
詩如啄雪清牙頰
一任秋霜換鬢毛
或爵通侯封萬戶
願君收視觀三庭
明月滿舟同一醉
青山斷處是吾家

不解丹青追世好
故應琴鶴是家傳
春風自恨無情水
浪跡常如不繫舟
本來面目常如故
此去聲名不厭低
詩眼亦自工識拔
齋腸那得許慳頑
世上功名何日是
君家庭院得春多



鮮鯽經年秘醯醢
黃雞催曉唱玲瓏
五車書已畱兒讀
萬戶春濃感國恩
雲山已作歌眉淺
茗椀仍沾講舌乾
文書堆案睡自語
尊酒聞呼首一昂
暫還仗內身如寄
老傍人門想更慵

玉堂書掩文書靜
荷花夜開風露香
如我自觀猶可厭
有兒傳業更何須
三山咫尺不歸去
五斗塵勞尚可畱
喚起謫仙泉灑面
跪奉新書笏在腰
龍眠臂中有千駟
終日松間挂一壺

莫趁明珠弄明月
要將春睡賞春晴
百觚之後那辭酒
吾儕猶健可頻傾
甲子會逢三朔旦
道人只作兩團庵
歸家且置千斛水
此身分付一蒲團
誰與春工掀百蟄
挽著滄江無萬牛

解顏一笑豈易得
閉口逢人不少陳
人懷冰雪生秋思
罨畫溪山指後期
非關文字須重看
可是平生廢讀書
坐遣牡丹成俗物
當須舉白便浮君
盡愛丹鉛競時好
此身江海寄天游



鄴侯藏書手不觸
蠅頭寫字眼能明
老去獨收人所棄
虛名何用實之賓
讀書要在存心久
苦學憐君太瘦生
面頰照人元自赤
崑崙氣脈本來黃
別後新詩巧摹寫
始知真放本精微

花如識面香仍在
老不求名語益真
煙雲好處無多子
風雨留人得暫陪
君學本兼文武術
威聲又數中興年
何時其樂昇平事
安得獨從逍遙君
亦念人生行樂耳
臣今時復一中之

跛牂欲上驚崢嶸
白鶴時來訪子孫
還鄉定可騎黃鶴
網羅應不到沙鷗
鷓鴣偶叨陪下列
豨膏那解轉方輪
柳雖無言不解慍
鶴有難色側睨予
諫苑君方續承業
樞具爭先看不疑

捨榆不羨培風背
收駒時有渥洼姿
白首上有千薪積
黃花初見一枝霜
蜂爲耕耘花作米
玉琢青枝蕊綴金
君去苦早我來暮
世緣終淺道根深
一朝得見暴公子
八詠聊同沈隱侯



常時低頭誦經史
意行信足無溝坑
若對青山談世事
故將俗物惱幽人
明年我亦江南去
問訊方知冀北空
長篇小字遠相寄
熟讀深思子自知
才疏正類孔文舉
坐客仍攜王子淵

半脫紗巾落紈扇
一新柱石壯嚴闈
應許相將游閬苑
更須到處覓菟裘
他日曾陪探禹穴
前生我已到杭州
憑君借取法界觀
到處先爲問道庵
何妨卻伴參寥子
安得獨從逍遙君

二年魚鳥渾相識
十畝犁鋤手自親
若耶溪水雲門寺
西湖船舫月球燈
絕境自忘千里遠
高談爲洗五年忙
故人應在千山外
退歸終作十年游
舊事真成一夢過
勝游難復五人同

老去同君兩憔悴
時來聊復一飛鳴
乃知造物初無物
欲學聲同意不同
漁舟一葉從掀舞
畫堂五丈容麾旄
粗免趨時頭似葆
枉教閑處筆如椽
有似霜松嘯春鳥
空餘白棘網秋蟲



少而寡欲顏常好
老於詩句耳偏聰
犀首正緣無事飲
雞舌還應其賜香
山頭望湖光潑眼
鞞紅照坐香生膚
剝啄叩君容膝戶
胸中自有洗心經
紅燭照庭嘶驃裏
白衣送酒舞淵明

十年京國厭肥羜
千頃菰蒲聚鬥蚊
歸老江湖忘歲月
笑談警效生風雷
東海獨來看日出
南游端爲訪雲門
十年且就三都賦
半日來陪二子閒
有口難言不如睡
吾髯雖老無人憎

喚起千夫食陳廩
定分百榼餉春耕
世上誰如公覺早
山中不記幾回來
夜寒那得穿花蝶
起坐有如挂鈎魚
蝸殼卜居心自放
龍頭拒火柄猶寒
山僧不放山泉出
活水還須活火烹

未肯將鹽下葍菜
更教踏雪看梅花
江湖咫尺吾將老
車騎雍容子甚都
墜巢乳燕拳新竹
學語雛鶯在柳陰
不應屢費譏安石
頗覺寬容勝弱翁
作詩頗似六一語
此墨足支二十年



萬里紅波半天赤
一聲清蹕九門開
我覺風雷真一噫
要將老健敵千鍾
臂鷹走馬憐神駿
野鳥游魚信往還
海上偶來期汗漫
人間何處不巉巖
手香新寫法界觀
眼淨同看古佛衣

我居其間嘯且諾
列仙之儒瘠不腴
閉眼觀心如止水
揩頤晏坐不出門
翠袖卷紗紅映肉
短檠照字細如毛
長庚到曉空陪月
秋水爲文不染塵
讀徧牙籤三萬軸
漲起西江十八灘

酒肉淋漓渾舍喜
將軍競病自詩鳴
中散談仙更清遠
相君脫屣自參寥
嘉猷定國垂青史
齊釀如澠漲綠波
甚欲去爲湯餅客
尙能來趁菊花時
忽見伯時畫天馬
便隨太白跨鯨魚

十年不入紛華域
萬戶終輕千首詩
乞取千篇看俊逸
悠然獨酌臥清虛
春夢屢尋湖十頃
金丹終掃雪千莖
何人更識嵇中散
他日終煩顧虎頭
他年劉郎憶賀監
空教何遜在揚州



誰教按部如何武
故遣吟詩調李陵
何事庵中著光祿
定應床下拜梁松
人道使君似羊杜
思歸少傅憶朱陳
他日老人酬魏顥
一時冠蓋慕蕭嵩
那堪黃散付子度
長羨鄒枚接長卿

吳山道人心似水
伊川佚老髯如霜
天空月滿宜登眺
歲美人和易得情
美酒流連三夜月
道人輕打五更鐘
名高不朽終安用
詩到諸郎尙絕倫
夕烽過後人初醉
香篆消時汝欲歸

自言官長如靈運
端就君王乞鏡湖
雨昏石硯寒雲色
人靜翠羽穿林飛
書來索詩要自寫
後有知音可廢彈
早晚淵明賦歸去
飄零洛社數遺民
別後與誰同把酒
知君此去便歸耕

非夷非惠真天隱
江南江北無常棲
困眠一榻香凝帳
春盡西湖水映空
洛濱侍從三人貴
堦庭蘭玉一時春
爾來摩寫亦到我
何人慷慨解憐翁
人生識字憂患始
早晚抽身簿領間



當年帷幄幾人在
此去溪山琢句新
縱飲坐中遺白恰
相逢月下是瑤臺
久參白足知禪味
人道黃門有父風
何日對床聽夜雨
與君歌鼓樂豐年
故國依然喬木在
亂山深處長官清

釋梵茫然齊劫火
武陵豈必皆神仙
蒼山古木書堂嶼
縞裙練帨玉川家
晚入奉常陪劍履
試呼稚子整冠巾
吳客漫陳豪士賦
秦人今在武陵溪
坐看煙雲變風雨
一揮水墨光淋漓

先生食飽無一事
日上牆東問幾竿
始信孤雲天一握
自甘茅屋老三間
孤松早偃原非病
弱羽歸飛識所從
平生學問只流俗
君恩飽煖及爾孥
龐公爲人不曲局
媯皇得道自神仙

午醉醒來無一事
吾儕相對復三人
肝肺槎枒生竹石
蓬萊清淺半桑田
世事徐觀真夢寐
歸休上策早招要
自有楸梧障畏日
不知檣櫓薦明堂
散流一啜雲子白
炎歊六月北窗涼



有子才如不羈馬
夜來夢見小於鬼
惟有長身古君子
尙能作意向詩人
元章作書日千紙
破鐺煮飯茅三間
似聞江鱸斫玉柱
定把鴟夷載後車
風流別駕貴公子
慈愛聰明惠利人

要識將軍不凡意
來伴山僧到處禪
時人盡恠蘇司業
癡絕還同顧長康
莫對黃鸝矜爪嘴
更洗河豚烹腹腴
酒醒夢斷何所有
淡妝濃抹總相宜
山水照人迷嚮背
點綴毫末分清妍

故國依然喬木在
幾人不爲看花來
俗緣未盡那得睹
清詩妙絕不容酬
只有當歸無別語
從來此腹負將軍
如今勝事無人共
不是花時肯獨來
偶向秋山得佳句
且邀明月伴孤斟

不待招邀滿庭戶
惟須爛醉答雲煙
狐裘反衣無乃魯
錫杖凌空自要飛
不知誰作蛟龍吼
羨君超然鸞鶴姿
何日揚雄一屣足
懶作燕山萬里行
一朝美事誰能紀
十里珠簾半上鈎



同是醉翁門下士
誰爲寂照境中人
遙知清虛堂裏雪
能結縹渺風中雲
水枕能令山俯仰
鏡潭長與月相磨
檢點凡心早除拂
迎拜稽首願執鞭
崎嶇好事人應笑
考閱精強外已誇

君如大江日千里
起喚清風得半帆
曉日著顏紅有暈
麥光鋪几淨無瑕
信知詩是窮人物
嘗喜吾猶及老成
如今造物尤難料
只有梅花最可憐
子達想無身後念
故人來炷影前香

錦囊詩草勤收拾
銀鈎秀句益疏通
一時付與東巖酒
百丈休牽上瀨船
東海桑田真旦暮
北窗歸臥等羲炎
干戈未解身如寄
俯仰歸來鬢未華
花下有人心斷絕
天涯流落淚橫斜

始信積藏終自售
不知形謀已多名
當時襁褓皆七尺
誰信家書藏九千
握手安知無賀監
寬心時復喚殷兄
好詩惡韻那容和
醉守狂詞未必工
要知太守憐孤客
我相夫子非癯仙



流觴曲水無多日
盛事傳家有素風
步遶西湖看不足
事如春夢了無痕
空虛豈敢酬瓊玉
獨立自可當雷霆
豈惟家室宜壽母
知向江湖拜散人
寂歷疎松歆晚照
爛斑碎玉養菖蒲

也知造物含深意
會有幽人客廬公
先生年來窮到骨
夫人高節稱其家
我視去來皆夢爾
雨餘風物便蕭然
舊聞陶令開三徑
獨對先生倒一尊
顧我自爲都眊矚
與子不妨中聖賢

邈來摩寫亦到我
幾回無酒欲沽君
樂事難并真實語
後生誰續笑談餘
年拋造物甄陶外
心在飛鴻滅沒間
當年帷幄幾人在
此去文書恐獨賢
好事東平貴公子
大兒汾陽中令君

蹴踏鮑謝跨徐庾
卷藏天祿包石渠
荆棘不生梨棗熟
春風無事秋月閑
玩世徜徉隱屠沽
家聲赫弈冠并涼
遙聞爭誦十行詔
徑欲往買二頃田
詩酒暮年猶足用
丹青餘習至今存



風流賀監常吳語
寂寞申公謝客時
試著芑鞋穿犖礪
借君月斧修臙臙
他年萬騎歸應好
長恨雙鳧去莫攀
請君莫笑銀杯小
也許微吟錦瑟傍
樂天自愛吟淮月
杜牧端來乞紫雲

從今造物尤難料
祇是當年不忍欺
想見人天會方丈
共將詩酒趁流年
師已忘言真得道
我今廢學不歸山
黃金可成河可塞
龍根爲脯玉爲漿
金鼎丹成龍亦化
春江水暖鴨先知

北牖已安陶令榻
西風幸免庾公塵
青鸞白鶴蟠空下
畫鶴飛鳧盡日橫
門外桃花自開落
牆頭荔子已斑斕
一朝入海尋李白
千載筆法畱陽冰
且同月下三人飲
一聽秋濤萬鼓音

欲從抱朴傳家學
知有班昭續漢書
知君好事家有酒
笑我無聊髻已皤
欲採蟠桃歸獻壽
坐看滄海起揚塵
千里論交一言足
三朝遺老九門前
江上青山橫絕壁
雲間畫鼓疊春雷



魚龍絕技來千里
孝女孤風滿四方
朔方老將風流在
洛陽相君忠孝家
會與江山成故事
大呼鄉友作新年
坐知四海蒙膏澤
與君一生常拍浮
至今山鶴鳴夜半
卻笑華胥是夢間

三杯徑醉便歸臥
二陸初來尙憶家
東海獨來看日出
西臺妙跡繼楊風
山公已見無多子
金母長生不計年
人生何以易此樂
吾儕豈獨坐多言
塔上一鈴獨自語
草間秋蟲亦能歌

奴隸日注臣雙井
笑唾熊掌嘖雕胡
日飲無何足袁盎
知非不去慚衛蘧
臨風飽食得甘寢
對月題詩有幾人
黃雞白酒雲山約
楓葉蘆花秋興長
葛巾羽扇紅塵靜
紫李黃瓜村路香

無數心花發桃李
掃除白髮煩菖蒲
插花起舞爲公壽
得棗如瓜分我無
飛樓漏殿壓山破
銀釭晝燭照湖明
野桃含笑竹籬短
春秧欲老翠蕪齊
大任剛毅世無有
小馮新作語尤殊



誰爲天公洗眸子
盡驅春色入毫端
獨攜天上小團月
自尋雲外出山泉
兩澗春淙一靈鷲
三年光景六篇詩
泥上偶然留指爪
醉中不復問姓名
老去上書還北闕
忽思乘傳問西琛

散盡黃金猶好客
掃除習氣不吟詩
蜂爲耕耘花作米
柏生兩肘烏巢肩
問龍乞水歸洗眼
捲簾欹枕臥看山
卻對酒杯渾似夢
偶題詩句不須編
惟有江山難入手
試拈詩筆已如神

數奇不得封龍雒
射隼長思逐馬軍
當時籀史變蝌蚪
便同爾雅注虫魚
弟子讀書喧兩廡
亂山遮曉擁千層
袖中自有南風手
斷處人言霹靂焦
農工已畢歲云暮
蘿蔔生兒芥有孫

尙有清才對風月
巧將詩信渡江湖
芳心未飽兩峽蝶
杖頭惟挂一葫蘆
晉陽豈爲一門事
晏嬰不滿六尺長
幽人一友吾得尙
清風萬壑傳其言
水枕能令山俯仰
故人久立烟蒼茫



神齋集
智士死智罪莫雪
達人自達酒何功
古器縱橫猶識鼎
冷官門戶可張羅
白酒已盡誰能借
清詩妙絕不容酬
我老得全猶社櫟
何人作頌比嵩高
泥上偶然畱指爪
人間何處吐長虹

只恐明朝兼煮鶴
早知安足不成蛇
坐談足使淮南懼
問訊方知冀北空
嶺南萬戶皆春色
仗下千官散紫宸
笑指蜜蜂作檀越
爛蒸鶩鴨乃瓠壺
相看握手了無事
我欲挽肩纔覺難

羨君美玉經三火
豈意彤庭綴兩班
不如默誦千萬首
更盡春光一再眠
舶船跋浪鼉鼉震
笳鼓過軍雞狗驚
顧我小詩如點纈
借君妙語發春容
風流耆舊消磨盡
笑說平生醉夢間

興來一揮百紙盡
神游八極萬緣虛
平生詩酒真相污
淡蕩園林取次行
百觚之後那辭酒
一飯何曾忘卻時
江山清空我塵土
燈火青熒語夜深
鶴睡覺時風露下
水沈消盡碧烟橫



諸孫相逢萬里外
慰我長思十載間
千里農桑歌子產
一新柱石壯嚴闈
宿酒初消春睡起
珠簾不動花陰移
老人愛君如劉寵
會稽猶喜得方回
新詩兩幅寄千里
乞郡三章字半斜

誰使愛官輕去國
吾方祭竈請比隣
日高山蟬抱葉響
落花胡蝶作團飛
都邑正喧收杞梓
四方爭看擊鷓鴣
杯杓慣作陶家客
玲瓏應識使君歌
我如此水千山底
回首瓠稜一夢中

先社薑芽肥勝肉
際天菽粟青成堆
橫道清泉知我渴
隔岸人家喚欲磨
先生堂上霜月苦
道人胸中水鏡清
爲問少年心在否
獨與長鋏歸來乎
更作明牕書小字
貴從活火發新泉

白雲舊有終老約
清風徐來驚睡餘
讀破萬卷詩愈美
打徹涼州花自開
老夫作詩殊少味
故人有酒君應留
詔書惻怛信深厚
刺史寬大容歌呼
勝概直應吟不盡
問道已許談其粗



不見便同千里遠
胡爲只作十日歡
欲作蘭臺快哉賦
最愛靈隱飛來孤
歲晚卻理鄱陽柁
從軍數到單于臺
典衣剩買河源米
爨鼓誰作漁陽搥
平生管鮑子知我
過眼榮枯電與風

此日使君不强喜
明年開後更誰看
春山最好不歸去
功名有時無罷休
當日醉翁天下樂
何人勸我此間來
自厭家雞題六紙
同駕飛鴻跨九州
保甲連村團未徧
千夫在野口如林

數詩往復相感發
三朝出處其雍容
搗玉揚珠三萬斛
青袍白紵五千人
何年一舸鴟夷去
應有千篇唱和詩
北望青山如峴首
西來達摩尙求心
畫地爲餅未必似
與人作研初不辭

誰知海上詩狂客
獨占人間分外榮
須彌有頂低垂日
海若東來氣吐霓
感君生日遙稱壽
知我歸期漸有涯
我生天地一閒物
巧與椒花兩鬥新
仁者不用生分別
飄然而來誰使令



居士無塵堪洗沐
相君脫屣自參寥
玉川從此朝金闕
社燕何由戀塞鴻
古器縱橫猶識鼎
金釵零落不成行
吳客漫陳豪士賦
林宗不媿蔡邕碑
大筆推君西漢手
作詩猶似建安初

只有天公真可倚
至今人道最能文
漁箋句好應須畫
玉帳人閒合有詩
雙頰凝酥髮抹漆
十眉環列坐生光
君勝宜爲夫子後
孝章要是有人人
追鋒歸去雄三衛
老守娛賓得二邛

此意自佳君不會
他年相見話偏長
畱得一錢何足賴
古來四事巧相違
今我號爲二千石
何止容君數百人
蔗漿酪粉金盤冷
煙紅露綠曉風香
夢中神授心有得
醉裏題詩字半斜

勸君多揀長腰米
舊友仍分頰尾魚
定將文度置膝上
已覺溫台落手中
輕衫觸熱行千里
弱羽巢林寄一枝
付君萬指伐頑石
不將雙腳踏飛梯
老人畱眼看他日
明年乞身歸故鄉



識字劣能欺項籍
醉鄉我欲訪無功
爲我買田臨汶水
已能作賦繼靈光
吾家豈與花相厚
福祿正似川方增
山圍故國城空在
草長江南鶯亂飛
今年送汝作太守
便腹從人笑老韶

還鄉定可騎黃鵠
守宮努力搏蒼蠅
竭從冰叟來游宦
要使邦人識雅言
但挂酒壺那計盞
爭買書畫不論錢
千金用盡身無事
一棹飄然影自隨
大瓢貯月歸春甕
亂點餘花唾碧衫

卻對酒杯渾似夢
故應文字不離禪
但應此心無所住
何至以身爲子娛
自言官長如靈運
旋見兒童迎細侯
嶧山傳刻典型在
吏部文章日月光
欲寄鼠鬚并繭紙
君看龍尾豈石材

老去獨收人所棄
問道已許談其粗
若耶溪水雲門寺
步兵飲酒中散琴
待君筆力追靈運
能使江山似永嘉
共疑楊惲非鋤豆
擬問東坡學種松
呼兒淨洗涵星硯
醒時與作嘯風詞



五畝自栽池上竹
三人同作月中游
問羊獨怪方平在
把蟹行看樂事全
使我有名全是酒
吾儕猶健可頻傾
我公天與英雄表
而今人在鳳麟洲
脫冠便作扶犁叟
載酒閑過綠野堂

酒醒門外三竿日
消破亭中萬斛泉
慣與先生爲酒伴
不論時節把花開
曲無和者應思郢
後有知音可廢彈
白髮未成歸老計
青衫倘有濟時心
連環已解如神手
新妝漸畫入時眉

試憑造物開山骨
獨稱觀瓶居井甃
鬢絲只可對禪榻
珮環何處鳴風甌
蕉心不展待時雨
桑落初嘗灑玉虬
畫堂粉壁翻雲幕
縹帶細枝出絳房
茅屋數間依竹葦
柏舟高節冠鄉鄰

新學已皆從許子
使君何日換龔丞
露浥醉巾香荏苒
曉得異石青爛斑
天公用意真難會
俗子疑人未遣聞
他日試尋王粲宅
至今傳寶魏華書
未許相如還蜀道
不見何戡唱渭城



造物何如童子戲
姓名莫遣世人知
歸來閉閣閉終日
定把清觴屬此山
獨抱漆丁看花發
臥聞客至倒屣迎
恨無揚子一區宅
始見徐卿第二雛
無人毀譽河東守
千古風流賀季真

桑下豈無三宿戀
尊前聊與一身歸
舊聞廬岳多真隱
獨立斜陽數過人
試選茗溪最深處
借與匏尊自在嘗
我生涉世本爲口
老去歸田只此身
詔恩尙許歸田里
鄰舍何妨借樹涼

詩如啄雪清牙頰
篋有奇珍勝象犀
從來勢利關心薄
引睡文書信手翻
玉腕半揜雲碧袖
舊聲終愛鬱輪袍
銀瓶瀉油浮蟻酒
黃耆煮粥薦春盤
人間勝絕畧已徧
世外無物誰爲雄

勲名將相今何限
身心顛倒不自知
愁腸別後能容酒
白髮年來漸不公
吾廬想見無限好
此山仍合與君分
十年簿領催衰白
萬戶春濃感國恩
萬里煙波濯紈綺
百神奔走會風雲



他日卜鄰先有約
此間真趣豈容談
對立鷓鴣相媚媿
搗殘椒桂有餘辛
坎坷一生遭口語
高節萬仞陵首陽
拔薤已觀賢守政
披衣閑詠舞雩風
願公作詩慰不遇
知我歸期漸有涯

上人宴坐觀空閣
遷客來從飯潁山
黃雞白酒雲山約
雨葉風花日夜稀
東風待得花開否
無酒令人意缺然
自從昨夜十分滿
更唱儂家七返丹
閉戶莫教風掃地
佳人休唱日銜山

憑仗幽人收艾納
招呼明月到芳尊
坐久枕痕猶著面
曉來梅子已生人
但覓來禽與青李
枉將鍾乳敵仙茅
平生好詩兼好畫
若人如馬亦如班
牕搖細浪魚吹日
樓生晴靄鳳盤雲

多生綺語磨不盡
萬卷堆胷兀相撐
差勝嵇康羨王烈
况逢孟簡對盧仝
短李髯孫眼中見
金錢石竹道旁秋
歸來晚歲同元亮
和徧新詩滿洛城
一揮三百六十字
回頭四十二年非



元亮本無適俗韻
東坡也是可憐人
出門自笑無所詣
謀道從來不計身
白酒微帶荷心苦
青衫半作霜葉枯
淡游何以娛庠老
餘力還思治蜀兵
落筆縱橫飛小鳳
叩門剝啄驚寒鴉

江上飛雲來北固
潮連滄海欲東游
嶺北霜枝最多思
劍南樵叟爲施丹
莫作吟詩淡生活
來看換酒謫仙人
泥上偶然畱指爪
夢中相對各華顛
參差玉宇飛木末
縹緲松香泛蠟煙

香火舊緣何日盡
崎嶇世路最先回
欲遣何人賡絕唱
每逢佳處輒參禪
漸謀田舍猶懷祿
自恐水容不入時
觀君岷鬱負奇表
自然富貴出天姿
人間底處有南北
老來幾不辨東西

先生年來窮到骨
故人相對若爲顏
淮上鴈行皆北向
山頭孤鶴自南飛
醉裏自成欹雪舞
夢中化作飛空仙
提壺勸酒意雖重
書尾題詩語更遒
憶昔湖山共尋勝
偶然談笑得佳篇



方平神鞭常使物
景宗詩句復稱豪
那堪黃散付子度
便向羅浮覓稚川
脫帽風流餘長史
臨池妙墨出元常
只有黃雞與白日
任使絳蠟燒黃昏
最愛長康畫金粟
欲從稚川隱羅浮

故遣佳人在空谷
獨將妙語寫新詩
何時卻逐桑榆暖
他年許綴蓬萊班
多謝清時屢推轂
方將羣省起彈冠
蜜蜂采花作黃蠟
駿馬隨鷹搏野鮮
何如駑馬肥苜蓿
自笑鮎魚上竹竿

詞客倦吟花似酒
秦娥自解語如弦
斜陽萬里孤鳥沒
碧峯千點數鷗輕
要及清閑同笑語
恨無文字相娛嬉
窮探愈好去愈銳
發憤忘食樂忘憂
寄語風流王武子
汝應奴隸蔡少霞

笑指西湖作衣鉢
欲往南溪侶禽魚
但見玉峯橫太白
其疑沈水得頑蒼
何異書魚餐蠹簡
有如仙翩謝樊籠
了然非夢亦非覺
歸來誰主復誰賓
新曲從翻玉連瑣
舊人空數米嘉榮



左援公孝右孟博
朝施百鎰暮千錢
使君來呼晚置酒
王孫出游樂忘歸
近來齒頰生荆棘
莫惜錦繡償菅蕪
無因得上通明殿
自言不作封禪書
金壘浮菊催開燕
水伯知饑爲出鱸

老去尙貪彭澤米
從軍數到單于臺
妙想本與詩同出
刻畫始信天有工
亦其遭遇有伸屈
我自形影相娛嬉
送老齏鹽甘似蜜
先春萼茁滑於酥
到處不妨閑卜築
故鄉無此好湖山

上徹雲峯下幽谷

朝游湖北暮淮西
嶺上晴雲披絮帽
水中明月臥浮圖
眾賓起舞風竹亂
溪柳自搖沙水清
久拋松菊猶細事
仍欣麥黍報豐年
更著綸巾披鶴氅
分無玉椀捧蛾眉

烟簑雨笠長林下

碧瓦朱闌縹渺間
大瓢貯月歸春甕
晚雨留人人醉鄉
東風吹凍收微淥
明月入戶尋幽人
平生詩酒真相汙
每見田園輒自招
不趁青梅嘗煮酒
且將墨竹換新詩



無復青麩和漆葉
但令朱雀長金花
此生已分江湖老
欲話先驚歲月奔
孤帆南去如飛鳥
引手東來一釣鰲
便恐流傳成樂府
惟當火急作新詩
老松閱世臥雲壑
天風吹月入闌干

但持白酒勸佳客
不用紅紗照坐隅
正見青山駁雲錦
莫辭白酒瀉香泉
能令水石長在眼
不用金丹苦駐顏
更把安心教初祖
直欲一口吸老龐
記與嵇康留石髓
便隨李白跨滄溟

醉翁詩話誰續說
竹林高會許時攀
改更句法各蹇吃
點綴毫末分清妍
未應愚谷能留柳
笑飲貪泉獨繼吳
舉頭看山笏拄頰
忍凍孤吟筆退尖
今人不作古人事
直聲如在履聲中

徑從此路朝玉闕
更於何處覓蓬萊
奇孤甘挂汲古綆
豪氣一洗儒生酸
啄木飛來霜樹杪
結茅宴坐荒山顛
玉奴絃索花奴手
大梅按拍小梅歌
久陪方丈曼陀雨
勸爾一杯菩薩泉



東里近開松菊徑
沃野便到桑麻川
西流白日東流水
南村諸楊北村盧
眼明小閣浮烟翠
笑舞春風醉臉丹
五畝自栽池上竹
流年已似手中著
東坡習氣除未盡
韓公好古生已遲

幼眇文章宜和寡
平生學道已神完
亦念人生行樂耳
不知天公有意無
高人讀書夜達旦
開門看雨月滿湖
熏衣漸嘆衙香少
飽食未厭山蔬甘
憑仗幽人收艾納
約束官奴買花鈿

其託屬車塵土後
曾到旃檀小殿來
時復長篇書小字
尙愁新進笑陳人
迂疏似我人誰顧
冷淡爲歡意自長
憂患半生聯出處
髯耆兩卿相後前
爲君翻作歸來引
此去真爲田舍翁

千載斷碑人膽炙
一林瘦竹吾菟裘
乘軒故自非明眼
舉族長懸似細腰
桃花流水在人世
小橋野店依山前
山頭望湖光潑眼
漁舟一葉江吞天
爾來一變風流盡
應有千篇唱和詩



暫借好詩消永夜
聊將短句調長人
白髮門生幾人在
青雲飛步不容攀
舉世皆同吾獨異
是心朝空夕了然
別後新詩巧摹寫
山中無人自往還
醉眼有花書字大
詞頭夜下攬衣忙

使君何從得此本
道人有約徑須還
卻著衲衣歸玉局
惟有馬埒編金泉
繡谷只應花自染
水墨自與詩爭妍
出門自笑無所詣
草書非學聊自娛
路人行歌居人樂
他時此句一時編

夜燭催詩金燼落
邊庭無事羽書稀
匡廬先生古君子
謝家夫人淡丰容
畱我同行木上坐
爲君先踏水邊春
二華行看雄陝右
一班我亦媿真長
詩書與我爲麴蘖
海山無事化琴工

披榛覓路衝泥入
洗足關門聽雨眠
眼光入簾珠的皪
綺牕畫閣青氤氳
衣巾狼籍又屢舞
睂峯修嫵誇連娟
讀破萬卷詩愈美
挂冠兩紀鬚未蒼
且倒餘尊盡今夕
問師此曲唱誰家



著書多暇真良計
橫槩何人解賦詩
聞道王孫游上國
願從蘇子老東坡
悃悞無華真漢吏
逍遙齊物追莊周
身行萬里半天下
清坐十日一事無
到處聚觀香案吏
當年我作表忠碑

客夢還家時一頃
老蠶不食已三眠
才大古來難適用
人生何處不相逢
精貫天人一言足
神游八極萬緣虛
稻熟魚肥信清美
稚兒嬌女共煨燔
平生儻葛不驚俗
今日棲遲那可追

酒酣箕坐語驚眾
短衫壓手氣橫秋
漫誇年少容吾在
不知天公有意無
吐向君家雪色壁
掃殘雞距紫毫芒
來回索酒公應厭
盡力去花君自癡
但恐跛牂隨赤驥
何如木猴騎土牛

奇蹤散出走吳越
悲吟相對惟羊何
粲然奪真疑聖智
歸來妙意獨追求
一紙驚鸞回鳳字
別來紅葉黃花秋
書似西臺差少肉
醉推東閣不須招
不許紅膏汚天質
獨將匹練寫秋光



莫怪歌呼數相和
試拈詩筆已如神
高論無窮如鋸屑
小牕相對爲研丹
愛君誰似元和老
歸去先傳樂職詩
未害廣平心似鐵
稍能忍事腹如囊
要知冰雪心腸好
稍覺承平氣象還

來試點茶三昧手
莫言弄筆數行書
細雨作寒知有意
端居隱几學無心
千梳冷快肌骨醒
十里南風草木香
五畝自栽池上竹
七年供奉殿西廊
先生默坐春風裏
晚節忘懷大隱中

堪笑荒唐玉川子
贈君無語竹夫人
天公戲人亦薄相
勇退當年正急流
爾來古意誰復嗣
能致先生子亦賢
腳力盡時山更好
弁峯先見眼尤明
家雞野鷺同登俎
海螯江柱初脫泉

我聊爾耳君其漫
世之所馳子獨不
何似東坡鐵拄杖
來看南山冷翠微
胡爲議論獨見假
自笑疏頑不受疴
憑師爲作鐵門限
更望重新畫舫齋
此味只憂兒輩覺
幾人不爲看花來



補遺集
道人勸飲雞蘇水
稚子歡尋尺素書
短李髯孫眼中見
玉函金籥天上來
墨翻衫袖吾方醉
腹有詩書氣自華
幽人自種千頭橘
稚子新畦五畝蔬
便從洛社休官去
但覓吳山橫處來

新詩綺語亦安用
隻字片紙皆藏收
勲勞至大不矜伐
冠蓋相望起隱淪
百斛船中著美酒
簿書叢裏過春風
時聞五斛賜蛾綠
笑我一生踏牛犁
只有當歸無別語
不知蒼筤是餘香

林間白塔如孤鶴
戶外青驄響月題
要伴前人作詩瘦
自笑平生爲口忙
治經方笑春秋學
卻掃都忘歲月深
更把安心教初祖
從來此腹負將軍
翠帷暮捲伴人出
麴米春香竝舍聞

清篇帶月來霜夜
齊釀如澗漲綠波
風流別駕貴公子
平生宿衛明光宮
空餘魯叟乘桴意
思與高人對榻論
近聞猛士收丹穴
卻把清風借玉川
聞道攜壺問奇字
便應給札奏新書



林下對牀聽夜雨
臺上有客吟秋風
三杯卯困忘家事
一葉扁舟寄淼茫
鄴侯藏書手不觸
老衍清篇墨未枯
平日立朝非小補
此生何處是真依
命駕呂安邀不至
坐詠梁公覺有神

好詩衝口誰能擇
退筆如山未足珍
請君多釀蓮花酒
爲子賡歌墮月湖
白傅閱游空誦句
遠公不出但聞名
縣令若同倉庾氏
廟堂新拜富民侯
別後與誰同把酒
春來何處不歸鴻

便向蛟龍乞雲雨
至今猿鳥歎青熒
我欲仙山掇瑤草
但見曉色開扶桑
但持白酒勸佳客
久與青山爲弟兄
鄴侯久有牙籤富
潘郎曉踏河陽春
尙有清才對風月
自隨初日吐虹蜺

欲掘茯苓親洗晒
無復杞菊嘲寒慳
進隱不須煩伍舉
結交誰復許袁絲
文字鬱律蛟蛇走
筆勢彷彿離騷經
雖無窈窕充前馬
亦有鼓吹號寒蛙
康濟此身殊有道
歸來閉口不論功



長與春風約今日
化爲膏雨滿重城
舊德終呼名字外
清都宛在默存中
千株玉槩攬雲立
一葉秋聲對榻眠
欲發狂言須斗酒
我今廢學如寒芋
但信櫝藏終自售
偶題詩句不須編

如今別酒休辭醉
後有知音可廢彈
拂衣自注下下考
遊女長歌緩緩歸
我覺風雷真一噫
別來春物已再菲
獨看紅藥傾白墮
任使絳蠟燒黃昏
到處買刀收繭栗
爲君擊鼓行金尊

詩豪正直安仁在
倒載尙作山公看
當其下手風雨快
問我收身早晚回
犀首正緣無事飲
金山也是不羈人
數畝荒園畱我住
半篙流水送君行
回顧驚君珠玉側
意欲置我山巖中

誰憐寂寞高常侍
我亦季孟山元卿
伯時有道真吏隱
玉川狂直古遺民
盡將書畫散朋友
尙有詩賦鑱堅頑
插花起舞爲公壽
騎鶴歸來與子游
把酒對花容一呷
閉門新竹自千竿



何時一舸鴟夷去
換此十頃玻璃風
竹外一枝斜更好
結爲三友冷相看
對花把酒未甘老
築室種柳何時還
那更陪君作詩瘦
獨能容我真賢豪
海南仙雲嬌墮砌
山下蘭芽短浸溪

高人自與山有素
俗駕今隨水不回
安心好住王文度
奮髯忽逢朱子元
豈敢便爲雞黍約
尙能來趁菊花時
誰從我游顏氏子
不知世有段文昌
請君置酒吾當賀
從此歸田策最良

一夜撚鬚吟喜雪
雙鞬馳射笑穿花
豈無軒車駕熟鹿
空有清尊照畫蛇
未肯衣冠挂神武
猶勝塵土走章臺
紅燭照庭嘶驃裏
夜鉢咒水降蜿蜒
元章作書日千紙
醉裏題詩字半斜

精貫天人一言足
眼看時事幾番新
芙蓉仙人舊游處
春風小院初來時
兩眼猶能識細字
一尊遙想破愁脣
歌喉不共聽珠貫
酒暈無端上玉肌
試上城南望城北
榻從畦東走畦西



大昭一弛何緣殼
曳練雙翔亦自奇
三峯已過天浮翠
五紀歸來髣未霜
快瀉金瓶不須撥
摩挲銅狄會當同
平生腐物不留物
此閣何人是主人
兩叢恰似蕭郎筆
二寸纒容子夏冠

汝南先賢有故事
淮西功業冠吾唐
鈴索不搖鐘漏永
邊庭無事羽書稀
乘桴我欲從安石
罷郡猶堪作水衡
雪芽爲我求陽羨
薄酒知君笑督郵
書生只肯坐帷幄
倦飛不擬控扶搖

髻重不嫌黃菊滿
背癢卻得仙爪爬
昔我曾陪醉翁醉
知君不怕新書新
何似鹽車壓千里
已約扁舟泛五湖
貪看暮山忘遠近
老居閭里自浮沈
雷輓空堂戰戶牖
風駕兩腋飛崔巍

附書未免煩黃耳
同甲惟君尙黑頭
千里勞君勤轉柁
一生耽酒終無錢
退之身外無窮事
玉局他年第幾人
眼暈見花真是病
旅愁非酒不可開
病眼不眠非守歲
孤燈何事獨生花



歲久荼蘼渾欲合
歸來杏子已生人
棠棣竝爲天下士
先生真是地行仙
明月來投玉川子
春風搖蕩酒中山
萬山不隔中秋月
百丈休牽上瀨船
蝸殼卜居心自放
青松合抱手親栽

壯心無復春流起
病骨難堪玉帶圍
右臂雖存耳先曠
男婚已畢女將歸
治經方笑春秋學
紬史正續邱明書
北牖已安陶令榻
泮宮初采魯侯芹
出入巖巒千仞表
經營身計一生迂

無事不妨長好飲
此子何勞爲買田
此生若識邢和璞
他日終煩顧虎頭
眞珠爲漿玉爲醴
檳榔生子竹生孫
黃甘紫蟹見江海
金盤玉指破芳辛
遙看北斗挂南岳
旋築詩壇按酒兵

天香國艷肯相顧
秋月春風各自偏
白髮蒼顏畧相似
仙山佛國本同歸
欲浮大白追餘賞
故與施朱發妙姿
卻著衲衣歸玉局
高燒銀燭照紅妝
花開酒美曷不醉
海北天南總是歸



紅波碧巘相吞吐
白蓮翠竹依崔嵬
狂吟醉舞知無益
幽夢清詩信有神
小牕虛幌相嫉媚
隙塵風葉任縱橫
風晴日煖搖雙竹
月地雲堦漫一尊
一天月色爲誰好
十日春寒不出門

會揀霜林結茅舍
卧看松雪媚南山
萬事早知皆有命
百計尋思不似閑
晚覺文章真小技
心知日月在重霄
青山九鎖不易到
禮木三年已足燒
與君持橐侍帷幄
知我酒熟詩清溫

倚馬綠楊開口笑
落花胡蝶作團飛
萬戶春風爲子壽
半嶺蒼雲映此邦
令嚴鐘鼓三更月
詔賜天池八尺龍
桑疇雨過羅紈膩
筠籃擷翠爪甲香
回觀佛國青螺髻
勅賜詩人明月湖

香火未收旗腳轉
珠簾不動花陰移
老人心肝小兒舌
先生曹霸弟子韓
至人無心何厚薄
游客自觀隨淺深
我今心似一潭月
未暇遠尋三朶花
天台乳花世不見
芋魁豆飯吾豈無



山腰自懸蒼玉佩
醉中倒著紫綺裘
古鏡寶奩寒不動
明牕大几清無塵
玉芝紫笋生無數
高柳鳴蠲午更喧
漫天蓮葉無窮碧
無主荷花到處開
陶潛自作五柳傳
華胥別是一仙鄉

我公天與英雄表
晚歲猶存鐵石心
千首新詩一竿竹
步兵飲酒中散琴
飛塵漲天箭灑甲
杷頭出菌鎌生衣
詩成鮑謝石何與
紙落煙雲子思多
鏡空一照雙龍影
潘閔畫入三峯圖

晴空仰見浮海蜃
塵容已似服轅駒
潮聲夜半千巖響
投紉歸來萬事輕
經卷藥爐新活計
水軒花榭兩爭妍
空餐雲母連山盡
遙想茅軒對水開
本來面目常如故
世間言語原非真

人言摩詰是前世
我媿真長也一班
得句會應緣竹竊
問君何事食木魚
一家喜氣如春釀
百首新詩間八珍
一軒黃菊平生事
數間茅屋蒼山根
張公高躅不可到
孝先風味也堪憐



始信詩能回造化
了知身不在人間
到後與君開北戶
朝來拄笏看西山
檀心已作龍涎吐
半面猶遮鳳尾槽
盡日盛酒真良計
到處逢君是主人
落霞孤鶩供千里
飛符御氣朝百靈

舊聞陶令開三徑
欲伴騷人賦百篇
豈有名字記誰某
惟將翰墨畱染濡
杖策頻過知未厭
無田不退豈非貪
織女明星來枕上
玉堂制草落人間
睂如長松眼如漆
門前流水几前燈

金罍浮菊催開燕
落月挂柳看懸蛛
家雞野鷺同登俎
盧橘楊梅尙帶酸
笑捐浮利一雞肋
何止相去九牛毛
欲從楚客緝蘭佩
不向安期覓棗瓜
賴有銅盆修石供
何曾金鼎識刀圭

每逢佳境攜兒去
欲把雲根到處栽
蝨魚自曬閑箱篋
箕踞狂歌老瓦盆
劍舞有神通草聖
龍團小碾鬪晴牕
袖手莫輕真將種
折蔬聊慰故人心
少陵翰墨無聲畫
妙湛摠持不動尊



與子一洗尋常債
飄然不作世俗辭
海山巖洞知何許
風月簫笙坐夜閑
清詩獨吟還自和
夜寒手冷無人呵
神機巧思無所發
箕踞狂歌不自由
白魚紫蟹君須憶
黃柑綠橘籩常加

故人改觀爭來賀
宰相獻壽嘉及時
安得山泉變春酒
共依水檻立風簷
漫說玉牀收箭鏃
逝將桂浦擷蘭蓀
不須覽鏡坐自了
惟有霜鬢來如期
不如芋魁歸飯豆
猶有新詩氣吐虹

望眼儘從飛鳥遠
華顛賞徧洛陽春
未忍便傾澆別酒
不妨重作看花詩
踞床到處堪吹笛
刻燭應須便置醜
代北諸生漸狂簡
城南短李好交游
是家豪逸生有種
坐覺江山氣未衰

何處青山不堪老
幾人白髮還相收
坐客斂衽誰敢侮
使君負弩爲前驅
何用草書誇神速
更將詩律鬥深嚴
平生我亦輕餘子
東越誰能事細兒
多事始知田舍好
非才猶覺和詩忙



少年壯盛日千里
君才敏贍兼百夫
氣吞餘子無全目
粗報君恩便乞身
一伎文章何足道
十年流落敢言歸
此身如綫自縈繞
終日吟詩愁肺肝
如我之徒亦甚寡
畏人不出何其愚

相識雖多少知己
人力未至求天全
但空賀監杯中物
莫作劉郎觀裏詩
我生無田食破硯
天教釀酒醉先生
只恐造物怪多取
不放閑花得少休
明朝知覆誰家甌
羨君戲集他人詩



藏集他人詩

魏誰家韻

夕休

多取

先生



中国国家图书馆
NATIONAL LIBRARY OF CHINA